


**Sita 4,320 cermin mata, bekas cermin mata tiruan**

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur menyita 4,320 unit cermin mata dan bekas cermin tiruan jenama Ray-Ban bernilai RM90,783 hasil pemeriksaan di tiga premis di Wangsa Maju dan Lorong Haji Taib di sini, bermula jam 2.30 petang kelmarin. Ketua Pegawai Penguat Kuasa Negeri, Azeem Nazuri berkata, pihaknya turut menahan tiga individu termasuk seorang wanita berusia 20 hingga 50 tahun bagi membantu siasatan.





**Ipoh:** Kementerian Perdagangan Dalam Negeri dan Hal Ehwal Pengguna (KPDNHEP) Perak merampas 189 cermin mata tiruan jenama terkenal bernilai lebih RM46,000 dalam beberapa serbuan sekitar bandar raya ini kelmarin.

Ketua Pegawai Penguatkuasanya, Khalid Tik berkata, operasi bermula jam 10 pagi disertai 21 anggota KPDNHEP Perak bersama-sama lima wakil cap dagang itu memeriksa beberapa premis menjual cermin mata bagi mengesan penjualan barangan tiruan.

"KPDNHEP menyita 189 cermin mata tiruan berjenama terkenal dan semua barang sitaan itu disimpan di stor KPDNHEP Perak untuk siasatan lanjut.



## 189 cermin mata tiruan berjenama dirampas

**ANGGOTA** penguat kuasa KPDNHEP memeriksa kedai cermin mata di sekitar bandar raya Ipoh.

"Nilai rampasan keseluruhan bagi serbuan terbabit dianggarkan RM46,031 manakala pemilik semua premis itu diambil keterangan sebelum dibebaskan," katanya dalam kenyataan semalam.

Siasatan kes itu dijalankan

mengikut Seksyen 8 (2)(b) Akta Perihal Dagangan 2011 yang mana jika sabit kesalahan boleh didenda maksimum RM10,000 bagi setiap barangan atau dipenjarakan maksimum tiga tahun.

Menurutnya, KPDNHEP

memandang serius kesalahan dilakukan peniaga yang menggunakan perihal dagangan palsu ke atas barangan berjenama sekali gus melanggar undang-undang mengikut Akta Perihal Dagangan 2011.